

## მემორანდუმი

საქართველოს ქონების შემფასებელ ექსპერტთა ინსტიტუტსა და აუდიტორთა ბუღალტერთა  
და ფინანსურ მენეჯერთა პროფესიულ ფედერაციას შორის თანამშრომლობის თაობაზე.

17 მარტი, 2017 წ.

ქ. თბილისი

წინამდებარე მემორანდუმზე ხელმომწერი მხარეები, ერთი მხრივ, საქართველოს ქონების შემფასებელ ექსპერტთა ინსტიტუტი და მეორე მხრივ, აუდიტორთა ბუღალტერთა და ფინანსურ მენეჯერთა პროფესიული ფედერაცია,

ვაცნობიერებთ რა პროფესიულ სფეროებში არსებულ გამოწვევებს, პროფესიული მომსახურების ხარისხის და კადრების კვალიფიკაციის ამაღლების აუცილებლობას,

ვაღიარებთ რა ქვეყნის საინვესტიციო და ბიზნესგარემოს გაუმჯობესებისთვის სამოქმედო სფეროებში საუკეთესო საერთაშორისო პრაქტიკის დანერგვის მიზანშეწონილობას,

ვთანხმდებით ვითანამშრომოთ და საერთო ძალისხმევა, გამოცდილება, კომპეტენცია მივმართოთ პროფესიული ინტერესების უზრუნველყოფისთვის.

### თანამშრომლობის ფარგლები, პრინციპები და მექანიზმები

მემორანდუმზე ხელმომწერი მხარეები თანხმდებან:

- საშემფასებლო საქმიანობასა და ბუღალტრულ აღრიცხვას, ანგარიშგებას და აუდიტურ საქმიანობაში არსებული საერთო და სპეციფიური პრობლემების გადაწყვეტა აუცილებელია ახალი საკანონმდებლო ინიციატივებით, მარეგულირებელი აქტების სრულყოფით, ევროპულ კანონმდებლობასთან მათი ჰარმონიზაციის გზით;
- საჭიროა სამოქმედო სფეროებში საერთაშორისო სტანდარტების და სხვა საერთაშორისო ინსტრუმენტების დანერგვის პოპულარიზაცია.

მხარეები თანხმდებიან, რომ ზემოჩამოთვლილი და სხვა ამოცანების გადაჭრის მიზნით:

- როგორც თანასწორუფლებიანი სუბიექტები, იმოქმედებენ ერთობლივი ძალისხმევით;
- გაიზიარებენ ევროდირექტივების მოთხოვნებს და ევროკავშირის წევრ ქვეყნებში დაგროვილ გამოცდილებას;
- არ მიემხრობიან კანონით ისეთი ახალი ნორმის დაწესებას, რომელიც გააუარესებს პროფესიული ორგანიზაციებისთვის საქმიანობის პირობებს;
- იზრუნებენ პროფესიის წარმომადგენელთა ღირსებაზე და გაუფრთხილდებიან ორგანიზაციების რეპუტაციას;
- ხელს შეუწყობენ ერთმანეთს საერთაშორისო პროგრამებსა და პროექტებში მონაწილეობისთვის.

ევროკავშირის კანონმდებლობასა და საერთაშორისო სამართლებრივ ინსტრუმენტებთან საქართველოს კანონმდებლობისა და პრაქტიკის დაახლოების პროცესში განსხვავებული აზრის არსებობისას:

- მხარეები ერთობლივად იმსჯელობენ განსხვავებულ მოსაზრებებზე და მიაღწევენ კონსესუს;
- მხარეები იზრუნებენ იმაზე, რომ არ დაუშვან პროფესიისა და პროფესიული ორგანიზაციების წარმომომადგენლებს შორის დაპირისპირება.

### თანამშრომლობის კერძო ასპექტები

ინტერესის და მიზანშეწონილობის არსებობის შემთხვევაში, მხარეები:

- სერტიფიცირებისა და კვალიფიკაციის ამაღლების მიზნით, მხარეთა სასწავლო და სასერტიფიკაციო ორგანოებში მიავლენენ წევრებს, რომელთათვისაც სწავლებისა და სერტიფიცირების პროცესი იწარმოებს შეღავათიანი პირობებით;
- ერთობლივად ჩაატარებენ კონფერენციებს, შეხვედრებს, დებატებს, დისკუსიებს, კვლევებს აქტუალურ თემებზე;

- გაზიარების და ინფორმაციული ღიაობის დასამკვიდრებლად, საეტაპო თუ სააწერიშვებო ღონისძიებებზე მოიწვევენ მხარეთა წარმომადგენლებს;

### **დამატებით პირობები**

- მემორანდუმის შინაარსი ცნობილი და შეთანხმებულია ხელმომწერი პროფესიული ორგანიზაციების ყველა დონის ხელმძღვანელი რგოლის წარმომადგენლებისათვის.
- მემორანდუმით განსაზღვრული პირობების შესრულება სავალდებულოა და ასეთად დარჩება ხელმომწერი პროფესიული ორგანიზაციების ხელმძღვანელი რგოლების წევრთა შემადგენლობის ცვლილების მიუხედავად.

### **ხელმოწერები:**

საქართველოს ქონების შეფასებელ  
ექსპერტთა ინსტიტუტის სახელით

ინსტიტუტის გამგეობის თავმჯდომარე  
გიორგი ხმალაძე



ბუღალტერთა აუდიტორთა და ფინანსურ  
მენეჯერთა ფედერაციის სახელით

ფედერაციის გამგეობის თავმჯდომარე  
ელიუა აფრიდონიძე

